



Krizni štab za praćenje novog corona virusa

Krizni štab Ministarstva zdravstva Zeničko-dobojskog kantona za praćenje novog corona virusa, u skladu sa članom 2. Pravilnika o organizaciji i načinu rada Kriznog štaba Federalnog ministarstva zdravstva („Službene novine Federacije BiH”, broj: 10/12) i članom 14. Poslovnika o radu Kriznog štaba Ministarstva zdravstva Zeničko-dobojskog kantona, broj: 11-33-1335-18/20 od 11.03.2020. godine, na sjednici održanoj dana 02.09.2020. godine, donio je

ODLUKU

1. Usvajaju se Smjernice za postupanje sa pacijentima pozitivnim na COVID-19 i osobama iz kontakata, sa kriterijima za obavezno upućivanje COVID-19 pozitivnih pacijenata na hospitalizaciju, kao i kriterije za liječenje i izolaciju u kućnim uslovima, koje su sastavni dio odluke.
2. Odluka broj: 11-33-1335-107/20 od 24.07.2020. godine, sa Smjernicama koje su sastavni dio navedene odluke, stavlja se van snage.
3. Ova odluka stupa na snagu danom donošenja.

Broj: 11-33-1335- 107-1/20
Zenica, 02.09.2020. godine



Dostaviti:

- 1x svim domovima zdravlja (putem e-mail)
- 1x JU Kantonalna bolnica Zenica,
- 1x Opća bolnica Tešanj,
- 1x Kantonalna uprava za inspekcijske poslove,
- 1x Općinska sanitarna inspekcija (svima),
- 1x MUP Zeničko dobojskog kantona,
- 1x web stranica Zeničko-dobojskog kantona i
- 1x a/a

SMJERNICE ZA POSTUPANJE SA PACIJENTIMA POZITIVNIM NA COVID-19 I OSOBAMA IZ KONTAKTA

1. Kriteriji za obavezno upućivanje COVID-19 pozitivnih pacijenata na hospitalizaciju (Obavezan RTG snimak pluća)

- za sve osobe sa simptomima: visoka temperatura($>38^{\circ}$), kašalj, otežano disanje, poremećaj sensorija, diarea i procjena psihičkog stanja pacijenta (obavezan RTG snimak pluća),
- RTG pozitivan nalaz bez obzira na simptome,
- za sve osobe sa hroničnim oboljenjima: srčanim, plućnim, povišenim krvnim pritiskom, bubrežnim, hematološkim, psihijatrijskim i dr. oboljenjima koja mogu biti komplicirana COVID-19 infekcijom
- za sve osobe starije od 65 godina

Konačnu odluku o hospitalizaciji donosi nadležni doktor u bolnici.

2. Liječenje i izolacija u kućnim uslovima

Sve osobe SARS-CoV 2 pozitivne, koje ne ispunjavaju gore navedene kriterije, mogu se ostaviti u kućnoj izolaciji (samoizolaciji).

Retestiranje oboljelih od COVID-19 i SARS-CoV 2 pozitivnih osoba u samoizolaciji se ne vrši.

Ukoliko SARS-CoV 2 pozitivna osoba u samoizolaciji **ne razvije simptome bolesti, otpušta se iz samoizolacije 10 dana nakon testiranja, bez retestiranja.**

Ukoliko se kod SARS-CoV 2 pozitivne osobe u toku samoizolacije razviju simptomi bolesti, pacijent se, prema gore navedenim kriterijima i procjeni ordinirajućeg doktora, upućuje na pregled infektologu ili i dalje ostavlja u samoizolaciji.

Osobe SARS-CoV 2 pozitivne koje u toku samoizolacije razviju simptome bolesti i ostanu u samoizolaciji, otpuštaju se iz samoizolacije najmanje 10 dana nakon pojave simptoma, plus 3 dana nakon prestanka svih simptoma, bez retestiranja.

Retestiranje se ipak može uraditi prema procjeni epidemiologa ili kliničara, npr. kod lica kod kojih postoji rizik od transmisije na ranjive skupine: bolesnici, korisnici ustanova za zbrinjavanje starih lica i sl.

Rješenje o kućnoj izolaciji donosi nadležni sanitarni inspektor.

U slučaju kada osoba nema simptome COVID-9 infekcije (koristiti definiciju slučaja), pozitivan rezultat serološkog testiranja nije indikacija za PCR testiranje.

3. Kontakti

Transmisija u zajednici: traženje kontakata može biti otežano u slučaju intenzivne transmisije. Tada treba raditi u najvećoj mogućoj mjeri sa fokusom na kontakte u **domaćinstvu, zdravstvenim radnicima, zatvorenim sredinama sa visokim rizikom (studentski domovi, ustanove, ustanove za dugotrajnu njegu) i osjetljivim kontaktima i traženje kontakata u područjima sa manjim klasterima.**

Definicija: Kontakt je svaka osoba koja je bila izložena slučaju COVID-19, u periodu od 2 dana prije i do 14 dana nakon pojave oboljenja kod slučaja, tako što su se:

- nalazile u krugu od 1m od slučaja COVID-19 duže od 15 minuta bez obostranog nošenja maski,
- bile u direktnom fizičkom kontaktu sa slučajem COVID-19,
- direktno njegovale pacijenta sa COVID-19 bez upotrebe lične zaštitne opreme (preuzeto iz smjernica SZO „Traženje kontakata u kontekstu COVID-a 19“)
- Ostalo, kako se procijeni

3.1. Upravljanje kontaktima

- asimptomatski: izolacija 14 dana i ako ne razvije simptome kompatibilne sa COVID-19, otpušta se iz izolacije
- ukoliko se u toku izolacije pojave simptomi bolesti-testiranje uraditi odmah i postupiti prema preporukama za oboljele od COVID-19.

Napomena: Prilikom pregleda i procjene potrebe za testiranjem, neophodno je koristiti definicije slučaja (službena stranica FZZJZ).